



ԲԵՅՐՈՒԹԻ «ԿՐՈՆԱՍԵՐ ՏԻԿՆԱՆՑ ՀԱՄԱԽՄԲՈՒՄ»-Ի ԳՈՐԾՈՒՆԵՈՒԹՅԱՆ ՔՍԱՆԱՄՅԱԿԸ

Բեյրութի Կրոնասեր Տիկնանց Համախմբումի Մայր Աթոռ ուղարկած քառամյակի գործունեությանը նվիրված տեղեկագրից քաղվածաբար «Էջմիածին» ամսագրի ընթերցողների ուշադրությանն ենք ներկայացնում հետևյալ շահեկան տեղեկությունները:

1960 թվականի հունվարի 13-ին Բեյրութում, հանգուցյալ Տ. Խադ արքեպ. Աջապահյանի նախագահությամբ գումարված ժողովում, «պաշտոնապես հիմնված կհայտարարվի Կրոնասեր Տիկնանց Համախմբումը», որի «հիմնադիր վարչության անդամները կըլլան».

Տիկ. Արշալույս Այվազյան՝
ատենապետուհի.

Տիկ. Անգիմե Տանձիկյան՝

փոխատենապետուհի.

Տիկ. Զվարթ Բոյաջյան՝ ատենադպրուհի.

Տիկ. Հայկունի Թորոսյան՝ գանձապահուհի.

Տիկ. Արուսյակ Ալթունյան՝ խորհրդական

Տիկ. Մելինե Դեմիրճյան՝ խորհրդական.

Տիկ. Զվարթ Ներսեսյան՝ խորհրդական:

Վերոհիշյալ ժողովում մշակվում և վերջնական ձև է ստանում նաև Համախմբումի ծրագիր-կանոնագիրը՝ հիմք ունենալով Տ. Դերենիկ եպս. Փոլատյանի պատրաստած նախագիծը:

Համախմբումի երկու հիմնական նպատակներն են լինում.

1. Վառ պահել քրիստոնեական հավատքը ու ճշմարտությունները, հավատարիմ մնալ Հայաստանյայց Եկեղեցու դավանության, ավանդություններին, սրբություններին և բարեգործելով պայծառացնել հայ եկեղեցիները:

2. Աշխատել հոգևոր և կրոնական կյանքի տարածմանն ու ամրապնդմանը հայ ընտանեկան հարկերից ներս հաճախակի կազմակերպվող դասախոսություններով և այլ դաստիարակիչ միջոցներով:

Առաջին իսկ շրջանում Համախմբումի անդամների թիվը հասնում է 100-ի և ապա՝ 200-ի:

1978 թվականից սկսած Միության ատենապետուհի է ընտրվում Տիկ. Անգիմե Տանձիկյանը, որը նվիրումով և ձեռնհասությամբ վարում է Համախմբումի աշխատանքները:

Այժմ Համախմբումի վարչության անդամներն են.

Տիկ. Անգիմե Տանձիկյան՝ ատենապետուհի.

Տիկ. Ռոզին Պապայան՝ ատենադպրուհի.

Տիկ. Հայկունի Թորոսյան՝ գանձապահուհի.

Տիկ. Արաքսի Վարժապետյան.

Տիկ. Ծ. Ծաքլյան.

Տիկ. Մ. Հարությունյան.

Տիկ. Ա. Թումպազյան.

Տիկ. Մ. Պալասանյան.

Տիկ. Մ. Ծեփրճյան:

Տ. Գնել եպս. Ծերեճյանը և հանգուցյալ Տ. Գևորգ Ծ. վրդ. Կարպիսյանը իրենց խորհուրդներով և աջակցությամբ մշտապես օգտակար են եղել Համախմբումի եկեղեցական աշխատանքներին:

Համախմբումի եկամտի գլխավոր աղբյուրներն են եղել անդամավարները, նվիրատվություններն ու հասույթաբեր ձեռնարկները:

Համախմբումի հիմնական ծախսերը կազմել են «Մայր Աթոռ Ս. Էջմիածնի և անոր միջոցով նաև Մայր Հայրենիքի տարբեր

եկեղեցիներու պայծառացման համար եղած հատկացումները»:

1974 թվականին Նոր Վեհաբանի շրջափակում Համախմբումի նախաձեռնությամբ կառուցվել է Վեհամոր՝ Սիրանույշ Պալանյանի հիշատակին նվիրված աղբյուր-հուշարձանը: Համախմբումը ձեռնարկել է նաև Սևանի թերակղզում Ս. Առաքելոց պատմական եկեղեցու վերանորոգությանը, «որում նախատեսված ամբողջ ծախսին կեսը արդեն փոխանցված է Ս. Էջմիածին: Լիբանանի աղետալի, երկարատև կոիվներում հետևանքով դժբախտաբար կարելի չեղավ ավելի շուտ գոյացնել անհրաժեշտ գումարը: Կհուսանք, սակայն, թե առաջիկային կարելի պիտի լլվա գլուխ հանել այս գործը», գրված է Մայր Աթոռ ուղարկված Համախմբումի «ամփոփ տեղեկագիր»-ում:

Այդ տեղեկագրից իմացվում է նաև Մայր Աթոռ ուղարկված ցուցակը նվիրատվությունների՝

Արծիգորգ՝ 8 հատ, պատարագի սպիտակ շապիկներ՝ 12 հատ, պատարագի ձեռագործ աշխատված թավիշ հողաթափեր՝ 28 զույգ, գրակալի թավիշ ծածկոցներ, ամպհովանի՝ բարեբարությանը տիկին Լուսինա Ուզունյանի, 11.500 լիբանանյան ոսկի արծեքով, շղարշ՝ 40 հատ, դպիրների գունավոր շապիկներ՝ 50 հատ, պատարագի շապիկներ՝ 40 հատ, գուլպա՝ 200 զույգ, շուրջառներ՝ 45 հատ, պատարագի զգեստի լրիվ կազմածներ, ստեղծես ստիլ կաթսաներ՝ 20 հատ, խորանի սատեն վարագույր, սև թավիշ վարագույր, զանազան եկեղեցիների եկեղեցական զգեստներ և այլ նման նվերներ:

Համախմբումը, հավատարիմ իր ծրագիր-կանոնագրին, կազմակերպել է զանազան ձեռնարկներ, դասախոսություններ, ճաշկերույթներ, հանդիպումներ տարբեր առիթներով:

Այս տարի, նոյեմբերի 20-ին, Համախմբումի նախաձեռնությամբ Ալեքս Մանուկյան Կենտրոնի Ասպետների դասիինում տեղի է ունեցել Ս. Էջմիածնի ֆիլմի ցուցադրությունը, որը հատկապես լուսանկարել էր այս տարի Զատիկի տոնին տիկին Ա. Տանձիկյանը Մայր Աթոռում «հաղորդվելու Մայր Աթոռի սրբութենեն և գոտեպրնդվելու Ամենայն Հայոց կաթողիկոսին Կրոնասեր Տիկնանց Համախմբումին ուղղած սրտառուչ պատգամեն»:

Հանդիսության ընթացքում Համախմբումի ատենապետուհի տիկ. Ա. Տանձիկյանը «հետադարձ ակնարկով մը կկատարե պատմականը Համախմբումի հիմնարկության՝ 1959 թվականին և ատկից ետք իրենց կա-

տարած աշխատանքին, ի սպաս Հայաստանյայց Առաքելական Եկեղեցվո պայծառության»:

Այնուհետև վարչության ատենադպրոհի տիկ. Ռոզին Պապայանը իր ելույթի մեջ խառավելաբար անդրադարձավ Մայր Աթոռ Ս. Էջմիածնի նշանակության: Սուրբ Էջմիածինը հայության համար պարզ կրոնական հաստատություն մը չէ եղած: Ան եղած է ամենեւն առաջ Լուսի Խորան մը, այդ առաջադրանքով ան շինվեցավ, երբ Լուսավորիչը կպատգամեր. «Եկաք շինեցուք սուրբ գխորանն լուսոյ»: Դարեր շարունակ Էջմիածինը հավատարիմ մնաց այդ պատգամին և Լուսն քաշխեց Հայաստան աշխարհին: Նախախնամական պետք է համարել, Նորին Սուրբ Օծություն Վազգեն Ա. Վեհափառի ընտրությունը, Լուսավորչի գահին վրա: Ուղիղ քառորդ դար անցավ այն երանավետ ու օրհնաբեր թվականեն, 1955 սեպտ. 30, երբ Սուրբ Էջմիածնի գահին վրա բարձրացավ Ն. Ս. Օ. Տ. Տ. Վազգեն Ա. Վեհափառը:

Ն. Սուրբ Օծության հայրապետական օրհնյալ մականին տակ ծյան ու ծաղկեցան մայրավանքը, տպարանը, նոր թանգարանը, ընծայարանը և Վեհարանը:

Այժմ քսանհինգամյա իր փառավոր ու արժանավոր վաստակեն վերջ, մեզի կմնա սրտագին մաղթել, աղոթել առ բարձրյալ Աստված, արևշատությանը բազմապատկել օրերը մեր բազմաշնորհ Հայրապետին. թող անասան մնան Մայր Աթոռ Սուրբ Էջմիածինը և նվիրապետական մեր մյուս Աթոռները:

Միշտ մեր անդամուհիներուն քաջալերությանը պիտի շարունակենք մեր համեստ օժանդակությունը բերել Մայր Աթոռ Սուրբ Էջմիածնի պայծառության:

Իր ելույթի վերջում տիկ. Ռ. Պապայանը հայտնում է, որ Ամենայն Հայոց Հայրապետը տեղ և տիկին Գ. Ա. Տանձիկյանների միջոցով, որոնք վերջերս ուխտավորաբար Մայր Աթոռ էին այցելած, իր օրհնությունն է ուղարկել Համախմբումի բոլոր անդամներին՝ մաղթելով նաև «խաղաղություն համայն Լիբանան աշխարհին»:

Ամենայն Հայոց Հայրապետը Բեյրութի Կրոնասեր Տիկնանց Համախմբումի գործունեության քսանամյակի առթիվ բարեհաճել է «Ս. Ներսես Ծնորհալի» ջբանջանով պարգևատրել Համախմբումի յոթ վարչականներին՝ իրենց երկարամյա եկեղեցավեր գործունեության համար, «քաջալերելով զիրենք իրենց սրբանվեր գործունեության հաջող առաքելության համար»: